


4

CHL 1130/4430

T 9153/4914

V. 4



草木子卷之四

明劍川葉子奇世傑父著

談藪篇

十室之邑○必有數家居貨財而無數人能文學○何天工輕
彼之付○而嗇此之施○誠以文章學問○乃乾坤之清氣也○
世人類曰○德行本也○文藝末也○德則不務而文藝是輕○
是何世人之矯枉而過直也○蓋文章學問是智德上事○
亦德也行處是仁德上事○亦德也○荆南高士戴如高曰○
百家之中○不下一二十家有錢粟而無一二人能文章○
可以見造物取與之輕重矣○香之多者色減○花之盛者

實稀天地於是乎無全功矣唐以詩文取士三百年中能文者不啻千餘家專其美者獨韓柳二人而已柳稍不及止又一韓能詩者亦不啻千餘家專其美者獨李杜二人而已李頗不及止又一杜世之至寶非獨造物所恡惜而亦造物所難成嗚呼悽哉

人徒知李杜爲詩人而已矣而不知其行之高識之卓也杜甫能知君故陷賊能自拔而從明肅於搶攘之中也李白能知人故陷賊而有救以能知郭汾陽於卒伍之中也

治世以中道高談道德者多失之踈卑談功利者每失之

陋

文科舉其英武科舉其雄文武並用英雄陳力長世久遠之道也蓋文以程其智武以程其力網羅收拾所以制治於未亂圖難於其易昧者不知欲舉而廢之豈知所以定天下之機哉觀乎劉靈之於晉高尙之於唐可知矣

傳世之盛漢以文晉以字唐以詩宋以理學元之可傳獨

北樂府耳 宋朝文不如漢字不如晉詩不如唐獨理

學之明上接三代 元朝文法漢歐陽玄玄虞集伯是

也字學晉趙孟頫子昂單于樞伯機是也詩學唐楊載仲虞

集是也道學之行則許衡

平仲魯齋先生

劉因

靜修先生夢吉

是也亦

皆有所不逮

唐之詞不及宋宋之詞勝於唐詩則遠不及也

宋朝有詩獄諸儒之過也夫子言詩可以觀可以羣可以怨故言之者無罪聞之者足以戒

古人得意句如王荊公青山捫虱坐黃鳥挾書眠黃山谷人得交游是風月天開圖畫卽江山皆警語也又山谷嘗云杜荀鶴詩舉世盡從愁裏過正好對韓退之詩誰人肯向死前休王荊公亦嘗云杜甫詩當面輸心背面笑可對其結交行翻手爲雲覆手雨又溫公云石曼卿

對長吉天若有情天亦老之句月如無恨月長圓皆頗中的

真西山未第時將會試于行在道吾栝約友人鄭達道同祈夢于梓潼廟下入謁于神遂擊其鼓題詩于上曰大叩則大應小叩則小鳴我來一叩動天地四海五湖聞其聲是夜得吉夢其年果中

賈似道當國時一日退居湖山有一蜀僧徘徊于其側問之曰你爲何僧對曰某詩僧也賈適見湖中有漁翁遂命咏之僧請咏賈以天字爲韻僧應口對曰籃裡無魚欠酒錢酒家門外繫漁船幾回欲脫蓑衣當又恐明朝

是雨天賈大器之

賈似道有異志有一術士能拆字賈以策畫地作奇字與之拆術者曰公相之志不諧矣道立又不可道可又立不成公默不語禮而遣之恐洩其事使人害諸途

宋樞密文及翁嘗咏一雪詞乃百字令其詞云沒巴沒鼻霎時間做出漫天漫地不問高低併上下平白都教一例鼓弄滕六招邀吳二只恁施威勢識他不破至今道是祥瑞最是鵝鴨池邊三更半夜誤了吳元濟東郭先生都不管挨上門兒穩睡一夜東風三竿紅日萬事隨流水東皇笑道山河原是我的此蓋譏賈相之打量也

呂文煥遊潯陽琵琶亭龍麟洲見之呂令賦詩麟洲卽席賦詩曰老大娥眉負所天忍將離怨付哀弦夜深正好看秋月却抱琵琶過別船呂見之大慚蓋譏其負宋而降元也

宋亡麗水浮雲鄉有柳機察者爲寇欲逼柳味道同起攻掠味道誓不爲非義用寇怒縊之于松而脅之柳味道占一詩云國破家亦破年窮命亦窮浮雲諸逆賊送我上青松竟死于松下

宋會稽諸陵多廢于楊總統有林景禧唐玉蟾親自收拾遺骨改葬於他處嘗有詩云昭陵玉匣走天涯金粟堆

寒幾暮鴉水向蘭亭轉鳴咽不知真帖落誰家又一首
云珠亡忽震龍蛇匣軒傲仍忘犬馬情親拾寒瓊出瑤
艸四山風雨鬼神驚

趙仲穆者子昂學士之子宋秀王之後也能作蘭木竹石
有道士張伯雨題其墨蘭詩曰滋蘭九畹空多種何似
墨池三兩花近日國香零落盡王孫芳艸遍天涯仲穆
見而愧之遂不作蘭

吾枯林君度家藏樵堂集不知何許人也其語有曰耕堯
田者有九年之水耕湯田者有七年之旱耕心田者日
日豐登又曰東家富財車馬接踵西家富德風雪滿門

又曰畫工數筆術者片言僧道一經一咒動博千金文
士剝精嘔血不博人一笑吁士賤何獨在秦哉

元世祖皇帝思太祖創業艱難俾取所居之地青草一株
置于大內丹墀之前謂之誓儉草蓋欲使後世子孫知
勤儉之節至正間大司農達不花公官詞十數首其一
云墨河萬里金沙漠世祖深思創業難却望闌干護青
草丹墀留與子孫看

梁王登寶位時自建康之都途中嘗作一詩云穿了毳衫
便着鞭一鈎殘月柳梢邊兩三點露滴如雨六七箇星
猶在天犬吠竹籬人過語雞鳴茅店客驚眠須臾捧出

扶桑日七十二峰都在前

至正壬辰丞相脫脫統兵征南淮兵甫及高郵荅麻奏天下亂皆由怨脫脫之故罷脫脫盜自寧息上入其說卽軍中貶之脫脫釋兵奉詔赴貶所兵遂大潰大率皆歸紅巾相與爲盜賊遂不可復制荅麻復矯詔殺之荅麻與脫脫初無仇恨但欲謀其相位杜其再來之路耳邪臣謀身誤國遂至于此未幾荅麻坐配死或以詩粘國門曰蝦蟆水上浮雪雪見日消定住不開口汪家奴只一朝國事休矣雪雪荅麻弟也爲御史大夫黨兄爲奸定住緘默也汪謂其終日酣飲而已

韃靼御史春日與一瞽者並馬出遊晉陽因戲贈以詩就鞍和袖挽絲韁也逐王孫出晉陽人笑但聞誇景物風來應解審笙簧馬蹄響處無芳草鶯舌調時有綠楊休道不知春色好東風桃李一般香此作不待吟諷而知其爲瞽者之詩也

後至元間太師秦王伯顏專權變法謀爲不軌貶嶺南道江西死于薦福寺遂殯于是有人以詩弔之曰人臣位極更封王欲逞聰明亂舊章一死有誰爲孝子九泉無面見先王輔秦應已如商鞅辭漢終難及子房虎視南人如草芥天教遺臭在南荒蓋其在生出令北人毆打

南人不許還報刷馬欲又刷子女天下騷動

伯顏丞相與張九元帥席上各作一喜春來詞伯顏云金魚玉帶羅襪扣皂蓋朱旛列五侯山河判斷在俺筆尖頭得意秋分破帝王憂張九詞云金裝寶劍藏龍口玉帶紅絨掛虎頭綠楊影裏驟驊騮得志秋名滿鳳凰樓帥才相量各言其志

廉訪司官分巡州縣每歲例用巡尉司弓兵旗幟金鼓迎送其音節則二聲鼓一聲鑼起解殺人強盜亦用巡尉司金鼓則用一聲鼓一聲鑼後來風紀之司賊汚狼籍有輕薄子爲詩嘲之曰解賊一金并一鼓迎官兩鼓一

聲鑼金鼓看來都一樣官人與賊不爭多及元之將亂上下諸司其濫愈甚又有無名子爲詩嘲之曰丞相造假鈔舍人做强盜賈魯要開河攪得天下鬧於此觀之民風國勢於是乎可知矣

浙東僉憲余闕字廷心按吾郡時中秋夜望月嘗作一詩題於分司官舍其詩曰玄武夕始正華月升秋旻徘徊出西陸照曜此甌閩金波何穆穆綠枝滿中輪餘波洞軒房紫蘭含微津皇天降豐歲王政亦已陳樂哉一杯酒允矣同庶人此詩清婉藹然有與民同樂之意後爲淮西宣慰守安慶孤城六年上下援絕淮寇益熾城遂

陷府前有一大池自刎死于池妻子亦同死贈淮南行
省右丞進平章政事諡文貞公其先河西人伊吾兒氏
程雪樓爲閩守任滿歸民有獻箭旗者以百數公於內取
其一聯云閩中有雪方爲貴天下無樓如此高曹雪齋
有婦人作竹枝歌一首曰美人絕似董妖嬈家住閩門
第二橋不肯隨人過江去月明夜夜自吹簫造語頗工
宋宮人王昭儀名惠清字冲華丙子北行題驛中有滿江
紅詞云太液芙蓉全不似舊時顏色常記春風雨露玉
階金闕名播椒蘭妃后裏歡承笑語君王側聽一聲鼙
鼓揭天來繁華歇龍虎散風雲滅銅駝恨何堪說對山
河百二淚沾襟血驛館夜驚塵土夢宮車曉轉關山月
問姮娥垂顧肯相容從圓缺中原士人多誦之但惜末
句欠爾

處之龍泉縣飛溪季君問妻萬氏守節不再適詠枕上綉
梅詩曰灑灑英標別一奇歲寒心事有誰知妾心正欲
同貞白枕上慙勤綉一枝至正乙未青田寇侵浦城西
北隅徐嗣元女爲所掠嘗作詩曰萬水千山去路賒青
鞋踏破幾層沙登山絕頂重逢嶺渡水尤深又復涯雁
字只傳夫與子魚書難寄母和爺回頭遙望鄉關處雲
下峰前是我家此詩寫其顛沛流離之狀語意悲切

至元十三年冬王師渡江至天台有千戶掠得一王氏婦夫家臨海人婦有美色千戶盡殺其舅姑與夫欲強脅之不可明年春遂驅以北行至嵎縣清風嶺婦乃嚙指出血題詩於石上曰君王無道妾當災棄女拋兒逐馬來夫面不知何日見妾身此去幾時回兩行珠淚頻偷滴一片愁眉鎖不開今夜清風江上月存亡二字苦哀哉寫畢遂投崖而死至今此詩雨中尤可讀至治間官爲之立廟以旌之永嘉五峰李孝光爲之記

元至正間衢州陷龍游有一大家婦何氏爲兵所掠裂帛題一詩云妾長朱門十九春豈期今逐虜囚奔失身無補君王事死節難酬夫壻恩江靜從教沉弱質月明誰與弔歸魂只愁父母難相見願與來生作子孫書畢卽投於江而死吁誠可尙已

至正壬辰紅巾盜起江西吉安教城曠家婦爲盜所得欲妻掠之婦乃先刃其子題詩于壁亦自盡聞者哀之詩曰涇渭能分濁與清妾身怎肯墮風塵孤兒未必從他姓一女何曾侍二人白刃自傷心似鐵黃泉要見骨如銀深山落日猿啼處過客聞之亦慘神嗚呼烈哉

紹興路有一女子失其姓氏年及笄欲守志不嫁因秦王伯顏亂法欲刷天下子女其父母不獲已嫁之及定情

之夕題一詩於壁上云我年一十有九面貌如花似柳
父母逼勒成親只得歡喜忍受自小六根清淨如何一
夜弄醜洞房花燭休休清風明月皎皎既寫擲筆而逝
鄉里稱異焉

近時有一婦人姓張氏不知誰之女也善屬文嘗寄外兄
弟一詩曰山之高月出小月之小何皎皎我有所思在
遠道一日不見兮我心悄悄採苦採苦于山之南忡忡
憂心其何以堪又一首云汝心金石堅我操冰霜潔擬
結百歲盟忽成一朝別朝雲暮雨心去來千里相思共
明月二詩美則美矣未免桑間濮上之音爾

姚牧菴學士致仕于家年八十時夏日沐浴有侍妾在其
側公因私焉公起妾前拜曰主公年老賤妾倘有娠家
人必見疑願賜識驗公因捉其圍肚題詩于上曰八十
年來遇此春此春遇後更無春縱然不得扶持力也作
墳前拜掃人公薨後此妾果有子家人疑其外通妾出
此詩遂解當時士大夫與其子交者皆傳誦以爲笑姚
公名鏞字希聲

虞伯生學士幼年過薊門酒樓題詩于壁曰連十八書其
詩曰耳目聰明一丈夫飛行八極隘寰區劍吹白雪妖
邪滅袖拂春風朽槁蘇氣集酒酣雙國士情如花擁萬

天姝如今一去無消息只有中天月影孤當時皆以爲
呂洞賓作也爭傳誦之

至順辛未間福建廉訪使密蘭沙求仙詩云刀筆相從四
十年非非是是萬千千一家富貴千家怨半世功名百
世愆牙笏紫袍今已矣芒鞋竹杖任悠然有人問我蓬
萊事雲在青山月在天

白雲平章求仙于燕京西山頂一日適出滕玉霄訪之不
值因戲題於壁曰西風短褐吹黃埃何不從我遊蓬萊
振衣長嘯下山去後夜月明騎鶴來竟不留名白雲公
疑呂仙過之朝野輻湊寵賚山積後知其玉霄題白雲

公戒以勿泄厚賂之

箕仙所作多有所驗建寧鄭子晉爲閩省理問所吏嘗問
其功名之事有詩云獨駕扁舟下紫芝三山夜夜夢西
歸不須更望長安道花老香山白板扉子晉不逾月而
卒龍泉湯良臣赴金陵聘之後予嘗爲其問所除有詩
云此君出處底匆匆路入金陵似夢中見說椿花已零
落一生事業逐秋風時其父已卒果丁憂歸又胡仲淵
正提兵取溫城適問他事其題詩云金甲霜寒十載秋
喪師蹙國盡虛謀西風不作封侯夢此老安能正首邱
讀者不知其所謂遂詰之曰此贈胡叅軍也次年胡移

兵取建寧爲叅政陳友定所擒死於福州

徐大山江西人尹處州龍泉縣嘗有一僧獻一楮衾并上以詩曰寒泉瀉出剡溪藤白勝秋霜冷若冰願比一廉清似水梅花紙帳伴孤燈大山見之大喜因與之宴令一婢隔西壁而歌僧聞其曲韻悠揚因窺之乃一老婢天黥滿面醜不可狀因再作一詩云隔壁時聞一曲歌渾疑七寶帳中花瞥然一見翻成恨元出盧仝處士家杭州經山寺僧至慧鉢積旣充復欲還俗乃作一詩曰少年不肯戴儒冠強把身心赴戒壇雪夜孤眠雙足冷霜天剃髮髑髏寒朱樓美酒應無分紅粉佳人不許看死去定爲惆悵鬼西天依舊黑漫漫

松陽縣詩人程渠南滑稽之士也與僧信道元同齋食輩道元請渠南賦輩詩應聲作四句云頭子光光脚似丁祇宜豆腐與波穰釋迦見了呵呵笑煮殺許多行脚僧聞者絕倒洛陽賈元禮嘗誦一士人咏手詩曰一唾功名在目前豈期搏虎奮空拳文章悞我終投筆志氣凌雲肯執鞭滄海釣魚須有日碧霄攀鳳看他年扶持社稷心中事要與蒼生解倒懸語甚警拔胡仲困在番陽參恩寧普參政軍事時嘗降箕仙問以時事有韓湘子來臨題一詩於灰上曰乾坤清泰慶垂裳底事風塵

草木子
八荒虎豹在關天浩渺豺狼當道日蒼黃孔明有志能
全蜀李泌焉能及盛唐堪笑潮山山上客紅塵兩腳爲
誰忙

明首座東南行脚僧也有母八十餘嘗肩擔而行至正間
來遊鴈蕩山值母生日以飯一盂經一卷爲母之壽而
作偈曰今朝是我娘生日剔起佛前長命燈自米自炊
還自喫與娘齋得一員僧

李黼字子威守江州日妖寇彭和尚攻之城陷死之其姪
隨侍不去亦被殺先城未陷時嘗有詩云彌勒何神孕
禍胎颺颺動地起風埃煙銷郡國民生苦血染江淮鬼
物哀人世百年遭此厄天戈萬里幾時來石田也有詩
田玉可惜同成一炬灰

鬼作晚翠亭詩云一徑入青松飛流澹晴綠道人晚歸來
長歌振林谷山深不知求落葉下枯木須臾翠煙開月
色照綵服

危太朴學士與范德機先生秋夜同步先生得二句云雨
止修竹間流螢夜深至喜甚旣而曰語太幽殆類鬼作
亦近似也

元將亡都下有罵玉郎曲極其淫佚之狀葢桑間濮上之
風居變風之極也

聖上有佳句云鳥啼紅樹裏人在翠微中深得詩趣

皇太子作新月詩云昨夜嚴陵失釣鈎何人移上碧雲頭

雖然未得團圓相也有清光徧九州真儲君之詩也

國朝初朱張二萬戶以通海運功上寵之詔賜鈔印令自

造行用自是富倍王室及事敗死于京有僧以詩弔之

曰禍有胎兮福有基誰人識破這危機酒酣吳地花方

笑夢斷燕山草正肥敵國富來猶未足全家破後始知

非春風只有門前柳依舊雙雙燕子飛

李公紀字仲修號素行齋曰栖白晚年得薦於朝選授應

天府治中階奉議大夫曾作詩云五品京官亦美哉腰

間銀帶象牙牌有時街上騎驢過人道遊春去不回予

謂不同不若未回字不同字誠恐詩識后果然

近時有以張巡傳糊窓者有一士人見之而題四句于其

右云坐守睢陽當豹關江淮賴此得全安至今青史雖

零落猶障窓風一面寒宋末官中好養鴿太學諸生題

之曰萬鴿盤旋遶帝都暮收朝放費工夫何如養取南

來鴈沙漠能傳二聖書

昔宋丞相史彌遠薨已久一夕忽有人扣其家門曰丞相

歸家人莫不恠之及入門升堂紗燈轎從皆具子婦羅

拜畢語話一如平生歷歷分付家事及去索筆書遺囑

皆其手跡旣而竟去人莫不恠之久思不得其理忽一日悟曰乃宋室將亡陰盛陽微之兆也未幾宋果亡元亂之初處州薛氏子年甫弱冠早死一日其家僕上馮公嶺暑甚浴於溪次忽見所亡薛氏子戎衣躍馬帶徒而來遙呼其名僕甚訝之語卒囑曰汝歸告老官人我今上帝差我爲西帝築建德城遂引徒從而去時國家初得嚴州又杭州士人久已卒忘其名其友於市遇之語戒以勿泄且言當今皆是我輩人汝不信請試看卽以袖掩其面潛見滿市皆無頭帶刀傷血淋漓之徒遂贈以錢而別又淮東一人其嫂氏久已死忽一日以事經泰安州見嫂氏配一屠者坐肆上遙相認聚話且留宿食臨別贈以行資一一物皆世所有者雖失記其名字殆與史相之事相類其亦陽微陰盛之兆所以鬼盛與人同也後元亦亡

草木子卷之四

草木子卷之四

明劍川葉子奇世傑父著

雜俎篇

德水子蘇過龍謹按篇中博物處多從唐段成式酉陽雜俎書內擇取之

古之聖賢立心至公無我其官人之道必曰祿罔及私官

惟其能爵罔及惡德惟其賢此其所以能為天地立心

為生民立命也元朝天下長官皆其國人是用至於風

紀之司又杜絕不用漢人南人宥密之機又絕不預聞

矣其海宇雖在混一之天而肝膽實有胡越之間不過

視官爵為己私物其視古聖立賢無方之道果何如哉

不知天位天祿天以命有德寧能屯膏吝賞久蔽於漢

人南人哉是以不及百年大亂繼踵而爵祿皆歸中原之人蓋禍福乘除其數然也由是觀之人謀豈能奪天造哉孰若均平天施無有南北之分惟才是任惟賢是使譬之水澤使百川分流則大有所濟小有所泄滔滔汨汨度爲悠久若使壅併防遏蓄而不洩及其潰決小則爲災大則致敗必然之理也

治天下者不使利遺一孔亦必致敗豈惟名爵獨然末流之竭當窮其源枝葉之枯必在根本元朝末年官貪吏污始因蒙色目人罔然不知廉恥之爲何物其問人討錢各有名目所屬始叅曰拜見錢無事白要曰撒花錢

逢節曰追節錢生辰曰生日錢管事而索曰常例錢送迎曰人情錢勾追曰賁發錢論訴曰公事錢覓得錢多曰得手除得州美曰好地分補得職近曰好窠窟漫不知忠君愛民之爲何事也

元初法度猶明尙有所憚未至於汎濫自秦王伯顏專政臺憲官皆諧價而得往往至數千緡及其分巡竟以事勢相漁獵而償其直如唐債帥之比於是有司承風上下賄賂公行如市蕩然無復紀綱矣肅政廉訪司官所至州縣各帶庫子檢鈔秤銀殆同市道矣春秋傳曰國冢之敗由官邪也官之失德寵賂彰也豈不信夫

仕途自木華黎王等四怯薛大根腳出身分任省臺外其餘多是吏員至於科目取士止是萬分之一耳殆不過粉藻太平之具世猶曰無益直可廢也豈時運使然耶何唐宋不侔之甚也

元末有危素大樸江西人游京師專以倡鳴科舉無人才爲說以聳動觀聽人多信之彼固以文章德行自居也及夷攷之至政辛卯天下之亂能死節者惟彭城張桓安慶余闕江州李黻燕京陳子山皆舉人也危是時已累位至叅政獨首鼠皈降上以其失節屢辱之決以安置滁州而死嗚呼科目雖非古果不足以得人耶豈盡如或人之言也時人監此則可以省已

元朝甲寅年開科取士九成殿芝生

北人不識字使之爲長官或缺正官要題判署事及寫日子七字鈎不從右七轉而從左十轉見者爲笑立怯里馬赤蓋譯史也以通華夷言語文字昔世祖嘗問孔子何如人或應之曰是天的怯里馬赤世祖深善之蓋由其所曉以通之深得納約自牖之義

俳優戲文始於王魁永嘉人作之識者曰若見永嘉人作相宋當亡及宋將亡迺永嘉陳宜中作相其後元朝南戲尙盛行及當亂北院本特盛南戲遂絕

草木子 卷之四
北方自朱邪赤心起於唐季至李克用遂有太原之地至
阿保機起於木葉山其勢遂盛其子耶律德光受晉石
敬瑭關南燕門幽燕十六州之獻遂據之而建國曰大
遼其勢與大宋並矣其後金興遂亡遼而逐宋據有天
下大半而都汴矣及元朝又亡金而平南宋始混一六
合百有餘年而后江南得國蓋自朱邪赤心始盛至於
元亡首尾將五百餘年此天運興衰之一終孟子云五
百年必有王者興其間必有名世者此之謂也豈徒然
哉

達達卽韃靼耶律卽契丹大金卽完顏氏生達達自虎林

田地來其性至實無一毫之僞而上天以宇宙界之而
不畀之他部族其故何哉豈不以其極誠而無妄也極
誠而無妄聖賢傳心之學也

初大元世祖命劉太保築元京城及開基得一巨穴有紅
頭虫不知其幾萬世祖以問劉曰此何祥也劉曰異日
亡天下者乃此物也

世祖既定天下從容問劉太保曰天下無不敗之家無不
亡之國朕之天下後當誰得之劉曰西方之人得之世
祖以八思麻帝師有功佐平天下意其類當代有天下
思爲子孫長久計欲陰損其福而泄其氣於是尊其爵

草木子
卷之四
至於一人之下萬人之上豐其養至於東南數十郡之財不足以資之隆其禮至於王公妃主皆拜伏如奴隸甚而爲授記藉地以髮摩頂以足代馬凳子以舂極其卑賤及其旣死復於西方再請一人以襲其位事之一遵其制其所以待之如此者蓋所以虛隆其至貴之禮冀陰消其天下之福以延其國家之命豈知歷數不可以虛邀福祿爲彼之妄得改歆爲秀徒禍其身豈其然哉

世祖生子口啞卽裕宗及壯當有室使其遊都市使擇其意之所可者爲妻獨指一屠人婦世祖卽爲娶之廼姐吉妃子也腹生二帝

都下受戒自妃子以下至大臣妻室時時延帝師堂下戒師於帳中受戒誦咒作法凡受戒時其夫自外歸聞娘子受戒則至房不入妃主之寡者間數日則親自赴堂受戒恣其淫佚名曰大布施又曰以身布施其流風之行中原河北僧皆有妻公然居佛殿兩廡赴齋稱師娘病則於佛前首謝許披袈裟三日殆與常人無異特無髮耳

僧之有舍利由其心源澄寂澹然無欲秘耀含靈真積力久氣血精華結而成之也故及其火化炳然獨存

聖燈名山大者往往皆有之世人多歸之佛氏之神如眉縣峨眉山成都聖燈山簡州天光觀衡山聖燈岩匡廬之神燈岩明州天童山高麗之太白山數處聖燈時現蓋山之精英之氣發爲光怪爾

山發白銀亦有光人跡其光而求之多見鑛脉

一珠之大者光猶照乘况名山爲寶藏興焉之所寧獨無光恠焉

石韞玉則氣如白虹石生丹砂則光如紅霞皆其光晶之著也

前古黃金如王莽末年省中尙有六十餘萬斤後世黃金

絕少由其所耗之途廣也金一爲箔無復再還元矣

玉爲寶中至貴且以一身求之天地之理玉則髓也

金筋也石骨也水血脉也草木毛髮也土肉也山頭也澤

腹也蓋髓爲一身元氣所以爲至貴也故君子比德於

玉行則必珮抑有旨哉

人之食性亦有不同者如文王嗜昌歠曾嗜羊棗屈倒

嗜艾是也其同則膾炙也

○德水子蘇遇龍按艾或作芟前人有辯之者今依原本

北人殺小牛自脊上開一孔逐旋取去內頭骨肉外皮皆

完揉軟用以盛乳酪酒漣謂之渾脫

打捕鷹坊萬戶府歲用喂養肉三十餘萬斤

海東青鵠之至俊者也出於女真在遼國已極重之因是起變而契丹以亡其物善擒天鵝飛放時旋風半角而上直入雲際能得頭鵝者元朝官裏賞鈔五十錠葡萄漢張騫使西域中國始有種西瓜元世祖征西域中國始有種

剛叔王先生出葡萄二顆各食一顆先生曰千顆如一顆予曰萬年如今年王則因此而識彼予則因往而知來或問日生月落古今異乎曰同也雲白山青古今異乎曰同也夏葛冬裘古今異乎曰同也曰天同也地同也人同也人寓形於天壤之間特須臾爾宜流浪大化之中以順其同焉可也

飲酒者肝氣微則面青心氣微則面赤

脈勇怒則面青骨勇怒則面白血勇怒則面赤

山氣多男澤氣多女水氣多暗風氣多聾木氣多偃石氣多力險阻氣多癭暑氣多殘雲氣多壽谷氣多痺邱氣多疍衍氣多仁陵氣多貪

匏瓠牛踐苗則子苦

蛇怒時毒在頭尾

凡冢井間氣秋夏中之殺人先以雞毛投之毛直下無毒廻舞而下不可犯當以酒數斗澆之方可入矣

蠖蚺短狐踏影蠱皆中人古人避影爲此

畫彩佛像鑠目放光或言曾青和壁魚設色則近日有光
畫神鬼目隨人轉點眸極正則爾

北魏崔劼曰鵲巢避風雉去惡政乃是鳥之一長狐性多
疑猶性多預可謂獸之一短

甲虫影伏羽虫體伏

食草者多力而愚食肉者勇敢而悍

齧吞者八竅而卵生咀嚼者九竅而胎生

無角者膏而先前有角者脂而先後

食葉者有絲食土者不息食而不飲者蠶飲而不食者

不飲不食者蜉蝣屬卻行蜻屬紆行蜻蚋屬注鳴蜩

屬旁鳴發皇翼鳴蚣蝟股鳴榮原胃鳴

蜩三十日而死

鱣魚三月上官於孟津

鷓鴣向日飛

鳳骨黑雌雄夕旦鳴各異其雄聲其雌音雄鳴節節雌鳴

足足行鳴曰歸嬉止鳴曰提袂

麒麟牡鳴曰逝聖牝鳴曰歸和春鳴曰扶助夏鳴曰養綏

逝一作遊

鼃無耳爲守神

虎五指爲羆

魚二千斤爲蛟

武陽小魚一斤千頭

蛇有水草木土四種

孔雀尾端一寸名珠毛

鶴左右脚裏第一指名兵爪

蜀郡無兔鴿江南無狼馬

朱提以南無鳩鵲

鴉楚鳩所生

螺不滋乳

瓜瓠子曰犀胡桃人曰蝦蟇

蝦蟇無腸

龜腸屬於頭

蝌蚪尾脫則足生

鳥獸未孕者爲禽鳥養子曰乳

蛇蟠向主鵲巢背太歲燕伏戊己虎奮衝破乾鵲知來猩

猩知往鵲影抱蝦蟇聲抱

蟬化齊后鳥生杜宇

唐鄭復禮言波斯舶土多養鴿鴿能飛行數千里輒放一隻至家以爲平安信

鸚鵡能言衆鳥趾前三後一惟其四指齊分凡鳥下臉肥上獨此鳥兩臉俱動如人目舌亦如人

夜行遊女惡鳥也夜飛晝隱如鬼神凡人飴小兒不可露處小兒衣亦不可露晒毛落衣中當落水中爲祟或以血點其衣爲誌或言產死者所化

鬼車鳥相傳昔有十頭能收人魂一首爲犬所噬秦中天陰時有聲如力車鳴

訓狐惡鳥也鳴則後竅應之

狐一作胡

獅子尾拂夏月蠅蚋不敢集其上舊說蘇合香獅子糞也象性久識見其子皮必泣牙生理必因雷聲象膽隨四時

在四腿春在前左夏在前右如龜無定體也鼻端有爪可拾針肉有二十般惟鼻是其本肉惡聞犬聲耳後有穴薄如鼓皮一刺而斃胸前小橫骨灰之酒服令人能浮水出沒食其肉令人體重象孕五歲始生

虎鬚治齒齒痛拔揮齒間卽愈虎殺人能令屍起自解衣方食之虎威如乙字長一寸在脇兩旁皮內尾端亦有之佩之臨官佳能役佞鬼解衣

馬四歲兩齒至二十歲齒盡平戎馬八尺田馬七尺駑馬六尺猪槽飼馬石灰泥槽汗而繫門三事落駒牛有獨肝者食之殺人相牛法岐胡有壽膺匡欲廣毫筋

欲橫

蹄後筋也

常有聲有黃也角冷有病旋毛在珠泉無壽

曉亂觸人銜鳥角偏妨主毛少骨多有力溺射前良牛也踈肋難養三歲二齒四歲四齒五歲六齒六歲以後每一年接脊骨一節陰虹屬頸陰虹雙筋自尾屬頸也犀之通天者必惡影常飲濁水角之理物似百物犀角通者是其病角有鳩處必有犀也犀三毛一孔

狼作聲諸竅皆沸脰中筋大如鴨卵如織絡小囊虫所作也狼糞烟直上烽火用之

狒狒飲其血可以見鬼力負千斤笑則上吻掩額狀如獼猴作人言如鳥聲能知生死血可染緋髮可爲髮

鯉脊中鱗一道每鱗有小黑點大小皆三十六鱗唐制取得鯉魚卽宜放賣者杖六十

石斑魚好與蛇交

鸞雌常負雄而行漁者必得其雙雄者少肉鸞十二足殼可爲冠尾可爲小如意也

璚瑁虫不再交者虎鴛與璚瑁也

鯢魚如鮎四足長尾能上樹天旱輒含水上山如草葉覆身張口鳥來飲水因吸食之聲如小兒啞中人食之先縛于樹鞭之身上白汗出如構汁去此方可食不爾有毒

蚌當雷聲則瘕一曰瘕

蚌腹中有稻芒長寸許八月向東輪與海神未輪不可食
苑國出百足蚌長九尺四螯煎爲膠謂之螯膠勝鳳喙膠
也

蝓蚌大者長尺餘兩螯至強八月能與虎鬪虎不勝隨大
潮退殼一退一長

奔解一名溺非魚非鮎色如鮎有兩乳在腹下雌雄陰陽
類人頂上有孔通頭氣出嚇嚇作聲必大風相傳懶婦
所化殺一頭得膏三四斛取之燒燈照讀書紡績輒暗
照歡樂之處則明卽江豚也

蛤蜊候風雨能以殼爲翅飛

擁劍一螯極小以大者鬪小者食

寄居殼似蝸一頭小蚌一頭螺蛤也寄在殼間常候蝸開
出食螺欲合遽入殼中

牡蠣言牡非雄也介虫中惟牡蠣是鹹水結成也

數丸形似彭蜺競取土各作丸丸數滿三百而潮至一曰沙丸

顛當巢深如蚓穴網絲其中土蓋與地平大如榆莢常仰
杆其蓋伺蠅蠖過輒翻蓋捕之纔入復閉與地一色並
無絲隙可尋也其形似蜘蛛

冷蛇申王有肉疾腹垂至胛京宗詔南方取冷蛇數條賜

之蛇長數尺色白不螫人執之冷如握冰申王腹有數
約夏月置於約中不復覺煩暑

度古似書帶色類蚓長二尺餘首如鎗背上有黑黃欄稍
觸則斷常趨蚓蚓不復動乃上蚓掩之良久蚓化惟腹
泥如縊有毒雞輿輒死俗呼土蠱

蚺蛇其膽上旬近頭中旬在心下旬近尾

蝗或言魚子變近之矣食穀爲災由部吏侵漁百姓所致
虫身黑頭赤武吏也頭黑身赤儒吏也

松今言兩粒五粒粒當言鬣五鬣松皮不鱗松命根遇石
則偃蓋不必千年也

竹竹花曰獲死曰箬六十年一易根則結實枯死

桃枝竹以四尺爲一節木瓜一尺一百二十一節木蘭去
皮不死荆木心方

豆以二七爲族栗累十二爲寸

柿俗謂柿樹有七絕一壽二多陰三無鳥巢四無虫五霜
葉可翫六嘉實七落葉肥大

赤白櫟大者爲炭復入灰汁可以煮銅爲銀

構穀田久廢必生構葉有瓣曰楮無曰構

黃楊木性難長世重黃楊以無火或曰以水試之沉則無
火取此木必以陰晦夜無一星則伐之爲枕不裂

陵霄花中露水損人目

胡椒出南海其苗蔓生極柔弱葉長半寸有細條與葉齊

條上結子兩兩相向其葉晨開幕合合則裹其子於葉

中段本出摩伽陀國呼爲昧履支○又云葉長寸半六月採

草撥出海南苗長四五尺莖細如筋葉似葢葉子似桑椹

八月採

瓦松土木氣洩則生

博邪在屋曰昔邪在墻曰垣衣生於久屋之瓦又本草瓦

衣謂之屋遊

瓜惡香香中尤惡麝一或該之一蒂不實

菱四角三角曰菱四角曰菱

金燈一名無義草花葉不相見合離根如芋魁有游子十

二環之相須而生而實不連以氣相屬一名獨搖一名

離母

茄欲其子繁待其花時取葉布於過路以灰規之人踐之

子必繁也俗謂之嫁茄

木中根固柿爲最俗謂之柿盤

蝦姑狀若蜈蚣管蝦

鵝警鬼鵝鵲厭火孔雀辟惡

烏賊魚墨汁爲書如淡墨有爲僞券以誑人者當知之經

年墨消

二至前後垂土炭於衡兩端輕重均陰氣至則土重陽氣至則炭重又云政治感低昂猶鐵炭低昂可信也蓋以鐵易土爾

古人之節抑有義焉如元旦上巳重午七夕重陽皆以奇陽立節偶月則否此亦扶陽抑陰之義也至於元夕以燈花朝以花中秋以月皆以望日此特因其時物之盛者爾

蠓飛磴則天風春則天雨

竿影上元豎一丈竿候月午影至七尺大稔九尺一丈有

水五尺歲旱三尺大旱

祖宗富貴自詩書中來子孫享富貴則賤詩書矣家業自勤儉中來子孫得家業則忘勤儉矣此所以多衰門也戒之哉

貴而忘賤災自驕生迷而不返禍因感起貴驕敗之端也富奢衰之始也甚靳必大費過恡必多亡失乎中道也人生平能懲忿窒慾心氣冲和葷酒不昏情氣不亂故久而血白也

諺云寧人負我推而大之忠恕之事也毋我負人守而固之知命之事也忠厚之道也寧我負人毋人負我者反

是

大抵知是非少計利害者儒人也知利害不計是非者吏人也是非理也利害事也

漢末三五法拘忌至姻聯所謂國將亡必多制

青災肆赦怙終賊刑千古赦刑之折衷也殺人者死傷人及盜抵罪千古明刑之折衷也

草木子卷之四終



